



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-563-4/22**
Datum: **27.10.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „EUROHOLZ“ d.o.o. Sarajevo za donošenje rješenja o vodnoj dozvoli za ispuštanje tehnoloških otpadnih voda iz pogona za primarnu i finalnu obradu drveta izgrađenog u ulici Vlakovo 368 Ilidža, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu „EUROHOLZ“ d.o.o. Sarajevo, daje se vodna dozvola za ispuštanje tehnoloških otpadnih voda iz pogona za primarnu i finalnu obradu drveta izgrađenog u ulici Vlakovo 368 Ilidža, na zemljištu označenom kao k.č. 1302/25, 1302/24, i 1303/1 K.O. Rakovica, općina Ilidža.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu pod slijedećim uslovima:
 - 3.1. Da pravno lice „EUROHOLZ“ d.o.o. Sarajevo, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu predmetnog proizvodnog objekta, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. Da se na predmetnoj lokaciji u roku od 1 (jedan) mjesec od izdavanja ovog rješenja, izvrši blindiranje ispusta na dnu taložnika u kome se tretiraju tehnološke otpadne vode, koje nastaju u procesu pranja trupaca, u cilju onemogućavanja ispuštanje neprečišćenih otpadnih voda direktno u potok Trnavu.
 - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine F BiH», broj: 26/20 i 96/20).
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda-tehnoloških otpadnih voda i oborinskih onečišćenih voda, uzimanjem uzorka efluenta iz okna za monitoring a prije ispuštanja u recipijent u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.5. Ukoliko Vlada propiše dodatne (strožije) uvjete od uvjeta definisanih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.

- 3.6. Da korisnik obavezno praktikuje suho čišćenje prije pranja vodom, da bi se uklonile nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.7. Da se kod pranja koriste sredstva koja su prikladna okolinskim zahtjevima.
 - 3.8. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.9. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.10. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.11. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa ovlaštenom firmom za tu vrstu djelatnosti. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.12. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnih objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
 10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 11. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „EUROHOLZ“ d.o.o. Sarajevo, zahtjevom broj: 97/22 od 14.10.2022. godine, zaprimljenim dana 17.10.2022 godine, se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za primarnu i finalnu obradu drveta sa pratećim sadržajima, izgrađenog u ulici Vlakovo 368 Ilidža, na zemljištu označenom kao k.č. 1302/25, 1302/24, i 1303/1 K.O. Rakovica, općina Ilidža.

U provedenom postupku dostavljena je i pregledana sljedeća dokumentacija:

A. Opšta dokumentacija

- Kopija Rješenja o upisu u sudski registar broj: 065-0-Reg-12-000293 od 30.01.2012 godine, izdato od strane Općinskog suda u Sarajevu,
- Ovjerena kopija Uvjerjenja o poreskoj registraciji izdatoj od Porezne uprave Kantonalni ured Sarajevo od 27.03.2007. godine
- Uvjerjenje o registraciji broj 04/1-17-54-6-3/08 od 23.01.2008.godine, Uprava za indirektno oporezivanje Banja Luka,
- Uplatnica za upravnu taksu u iznosu od 70,00 KM,
- Rješenje o vodnoj dozvoli br. UP-I/25-3-40-122-3/17 od 21.02.2017. godine, izdato od «Agencije za vodno područje rijeke Save» Sarajevo,
- Rješenje o odobrenju za građenje broj: UPI/02-23-2-47/03-2 od 05.04.2007. godine izdato od strane Federalno Ministarstvo prostornog uređenja,
- Saglasnost na Glavni projekat priključne kanalizacione mreže br. 3-30-1606-2-TSK od 08.07.2003. godine izdata od strane KJKP „Vodovod i kanalizacija“ d.o.o. Sarajevo ,
- Situacija iz Glavnog projekta priključne kanalizacione mreže br. 3-30-1606-2 od 08.07.2003. godine urađenog od strane Agencija „File“- projektovanje i inženjering,
- Rješenje o saglasnosti za obavljanje djelatnosti broj: 07-04-20/1-1126-2/08 od 04.11.2008 godine izdato od strane Ministarstva privrede kantona Sarajevo,
- Izvještaj o monitoringu kvaliteta otpadnih voda iz pogona za primarnu i finalnu obradu drveta broj: broj: 11152/22 august 2022. godine, urađen od strane „Inspekt-RGH“ d.o.o. Sarajevo,

B. Tehnička dokumentacija

- Projekat izvedenog stanja vanjskih instalacija vodovoda i kanalizacije na pogonu za preradu drveta Euroholz-Vlakovo urađen od strane "Institut za hidrotehniku" d.o.o. Sarajevo, mart 2013. godine-kopija.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli, zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 18.10.2022. konstatovano je da je podnosilac zahtjeva uredan obveznik plaćanja posebnih vodnih naknada.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-563-3/22 od 20.10.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta-pogona za primarnu i finalnu obradu drveta, pravnog lica „EUROHOLZ“ d.o.o. Sarajevo, nalazi se u ulici Vlakovo 368, općina Ilidža, na zemljištu označenom kao k.č. 1302/25, 1302/24 i 1303/1 K.O. Rakovica.

Na lokalitetu predmetnog poslovnog objekta nalaze se sljedeće cjeline: upravna zgrada, hala za rezanje trupaca i doradu rezane građe, pariona, sušara, kotlovnica, silos, skladište rezane građe (nadstrešnice), skladišta oblovine, plato za pranje trupaca, prostorija u kojoj se vrši pripremu vode za proizvodnju vodene pare, jama za neutralizaciju otpadnih voda, interna saobraćajnica i dr.

Osnovna djelatnost firme „EUROHOLZ“ d.o.o. Sarajevo je proizvodnja rezanje i obrada drveta i proizvodnja briketa. Kapacitet pogona za primarnu i finalnu obradu drveta je 16 000 m³/godinu. Trenutno se preradi cca 12 000 m³/godinu.

U postupku primarne i finalne obrade drveta u predmetnom proizvodnom objektu se vrše radni procesi: pranje trupaca, razanje trupaca, sušenje i parenje, rezana građa i proizvodnja briketa.

Tehnološke otpadne vode koje nastaju u postupku parenja rezane građe gdje nastaje kondenzat sa sastojcima iz drveta (mravlja kiselina) koji se odvodi u jamu za neutralizaciju. Neutralizacija mravlje

kiseline se vrši dodavanjem kreča. Preliv iz jame se cijevima preko okna za monitoring odvodi u gradsku kanalizaciju kojim upravlja KJKP „Vodovod i kanalizacija“ d.o.o. Sarajevo.

Piljevina koja nastaje preradom drveta se koriste za vlastite potrebe u kotlovnici i za proizvodnji briketa.

Prilikom uviđaja utvrđeno je da su izvršene aktivnosti na uređenju manipulativnog prostora na kome se vrši pranje trupaca i izgradnja taložnika za prečišćavanje otpadnih voda koje nastaju od pranja trupaca. Preliv iz taložnika jednom cijevi je spojen u internu kanalizaciju koja prikuplja oborinske sa platoa sa ispustom preko okna u potok Trnavu. Druga cijev se koristi da preliv iz taložnika može u slučaju velikih padavina odvesti direktno u potok Trnava. Prilikom uviđaja je utvrđeno da u taložniku ima ispust na dnu taložnika direktno u Trnavu koji je potrebno blindirati.

Obzirom da se preliv spaja internu kanalizaciju koja prikuplja oborinske sa platoa, a koje su takođe opterećene suspendovanim materijama potrebno vršiti monitoring ovih voda na zadnjem šahtu u krugu predmetne lokacije a prije ispusta u potok Trnavu a što je dato kao uslov u tački 3.4. ovog Rješenja.

Izvještaji o ispitivanju kvaliteta otpadnih voda sa lokacije pogona za preradu drveta za mjesec august 2022. godine urađen od strane „Inspekt -RGH“ d.o.o. Sarajevo, pokazuju da su vrijednosti parametara efluenta u skladu sa dozvoljenim vrijednostima propisanim Uredbom.

Na osnovu dostavljene dokumentacije i uviđaja izvršenog na predmetnoj lokaciji, uvida u stanje proizvodnih objekata i ukupnog sagledavanja problematike kvaliteta otpadnih voda u kompleksu za primarnu i finalnu obradu drveta sa pratećim sadržajima, izgrađene u ulici Vlakovo 368 Ilidža, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka cc) i članova 15., 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, „EUROHOLZ“ d.o.o. Sarajevo, ispunio minimum uslova za izdavanje vodne dozvole te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, br. 6/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Behija Ahmedić, dipl.inž.tehn.

Po ovlaštenju

Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „EUROHOLZ“ d.o.o. Sarajevo, Vlakovo 368, Ilidža
- AVP Sava, ISV-vodna knjiga
- Org.jed. 50
- Org.jed. 40-arhiva
- Oglasna tabla AVP Sava Sarajevo